


# 雅音會編

十



					漢書門
			一	二	
		八	四	七	
一	二	一	七		
冊	架	函	號	類	

庫文閣內			
三		一	漢
五		二	書
函		四	
一		七	
六		二	
架	冊	號	類

內閣文庫		
番號	漢	11247
冊數	12 ( 10 )	
函號	358	191

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak







雅音會編卷之十

下平聲

八庚


五言絕句

正音

別杜審言

卧病人事絕嗟君萬里行河橋不相送江樹遠含情

宋之問



淺草文庫

羊城康麟文瑞集次

後學剡溪王鈍校正



伊州歌

蓋嘉運

聞道黃花戍頻年不解兵可憐閨裏月偏照漢家營

少年行

崔國輔

遺却珊瑚鞭白馬驕不行章臺折楊柳春日路傍情

長信草

長信宮中草年年愁處生時侵珠履跡不使玉階行

江行無題

錢起

牽路沿江狹沙崩岸平平盡知行處險誰肯載時輕

宿洞口館

野竹通谿冷秋泉入戶鳴亂來人不到寒草上階生

夏夜作

武元衡

夜久喧暫息池臺惟月明無因駐清景日出事還生

遺響

蜀道後期

張說

客心爭日月來往預期程秋風不相待先至洛陽城

小院

高駢

小院無人夜烟斜月轉明清宵易惆悵不必有離情

柳枝

李商隱



木是丁香樹春條結始生玉作彈碁局中心亦不平

閨怨

沈如筠

鴈盡書難寄愁多夢不成願隨孤月影流照伏波營

從軍行

令狐楚

胡風千里驚漢月五更明縱有還家夢猶聞出塞聲

自君之出矣

雍裕之

自君之出矣寶鏡為誰明思君如隴水長聞嗚咽聲

正聲

南行別弟二首其一

高承慶

淡淡長江水悠悠遠客情落花相與恨到地一無聲

班婕妤

王維

怪來粧閣閉朝下不相迎捻向春園裏花間語笑聲

江行

錢起

景夕殘霞落秋寒細雨晴短纓何處濯舟在月中行

入黃溪聞猿

柳宗元

溪路千里曲哀猿何處鳴孤臣淚已盡虛作斷腸聲

寄高秀才

李群玉

荆臺蘭渚客寥落共含情空館相思夜孤灯照雨聲



李集

秋浦歌十七首

江祖一片石青天掃蓋屏題詩留萬古綠字錦苔生

清溪半夜聞笛

羌笛梅花引吳溪瀧水情清一作寒山秋浦月腸斷玉

閑聲

繫尋陽上峯相換

邯鄲四十萬同日陷巨平能廻造化筆感其入生

夜下征虜

船下廣陵去月明征虜亭山花如綉頰紅火似流螢

口號

食出野田羹酒臨遠水傾東流若未盡應見別離情

杜集

絕句三首

聞道巴山裏春船正好行都將百年興一望九江城

復愁十二首

任轉江淮粟愁添苑囿兵由來魏虎士不滿鳳凰城

五言律詩



始音

銅雀妓

王勃

金鳳隣銅雀漳河望鄴城君至無處所臺榭若平生  
舞席紛可就歌梁儼未傾西陵松擗冷誰見綺羅情

詠風

蕭蕭涼景生加我林壑清驅烟尋磴戶卷霧出山楹  
去來固無跡動息如有情日落山水靜為君起松聲

雨雪曲

盧照隣

虜騎三秋入閑雲萬里平雪似胡沙暗水如漢月明

高爾銀為關長城玉作城節旄零落盡天子不知名

劉生

劉生氣不平抱劍欲專征報恩為豪俠死難在橫行  
翠羽裝劍鞘黃金鏤馬纓但令一顧重不悵百身輕

從軍行

楊炯

烽火照西京心中自不平牙璋辭鳳闕鐵騎繞龍城  
雪暗凋旗畫風多雜鼓聲寧為百夫長勝作一書生

麻平晚行

百年懷土望千里倦游情高低尋戍道遠近聽泉聲



石間葉絕分色山花不辯名羈心何處盡風急暮猿清

正音

晚次樂鄉縣

故鄉杳無際日暮且孤征川原迷舊國道路入邊城  
野戍荒烟斷深山古木平如何此時恨嗷嗷夜猿鳴

冬夜書懷三體作秋  
夜獨坐

王維

獨坐悲雙鬢空堂欲二更雨中山菓落燈下草蟲鳴  
白髮終難變黃金不可成欲知除老病惟有學無生

觀獵

風勁角弓鳴將軍獵渭城草枯鷹眼疾雪盡馬蹄輕  
忽過新豐市還歸細柳營回看射鵰處千里暮雲平

早朝

柳暗百花明春深五鳳城城鴉聒曉曉宮井轆轤聲  
方朔金門侍班姬玉輦迎仍聞遣方士東海訪蓬瀛

送嚴秀才還蜀

寧親為令子似舅即賢甥別路經花縣還鄉入錦城  
山臨青塞斷江向白雲平獻賦何時至明君憶長卿

與韓庫部會王祠曹宅作

高應物



閑門蔭堤柳秋渠含夕清微風送荷氣坐客散塵纓  
守黑共無恹抱冲俱寡營良時頗高會琴醞共開情  
奉送從兄宰晉陵

東郊暮草歇千里夏雲生立馬愁將夕看山獨送行  
依微吳苑樹迢遞晉陵城慰此斲行別邑人多頌聲

邊上送故人

王建

百戰一身在相逢白髮生何時得家信每日算歸程  
走馬登寒隴驅羊入廢城羌歌三兩曲人醉海西營

南中

天南多鳥聲州縣半蕪城野市什蠻姓山村逐水名  
瘴烟沙上起陰火雨中生獨有求珠客年年入海行

送崔融

杜審言

君王行出將書記遠從征祖帳連河關軍麾動洛城  
旌旗朝朔氣笳吹夜邊聲坐覺烟塵掃秋風古北平  
被試出塞

沈佺期

十年通大漢萬里出長平寒日生戈劔陰雲拂旆旌  
飢烏啼舊壘疲馬戀空城辛苦臯蘭北胡塵損漢兵

茂陵山行陪帝金部

李端



宿雨朝來歇空山天氣清盤雲雙鶴下隔水一蟬鳴  
古道黃花落平蕪赤燒生茂陵雖有病猶得伴君行

送僧歸日本

錢仲文

上國隨緣住來途若夢行浮天滄海遠去世法舟輕  
水月通禪觀魚龍聽梵聲誰憐一灯影萬里眼中明

臨洞庭

孟浩然

八月湖水平涵虛混太清氣蒸雲夢澤波撼岳陽城  
欲濟無舟楫端居恥聖明坐觀垂釣者徒有羨魚情

晚春

二月湖水清家家春鳥鳴林花掃更落徑草踏還生  
酒伴來相命開樽共解酲當杯已入手歌妓莫停聲

山中流泉

儲光羲

山中有流水借問不知名映地為天色飛空作雨聲  
轉來深澗滿分出小地平恬澹無人見年年長自清

泊舟盱眙

常建

泊舟淮水次霜降夕流清夜久潮侵岸天寒月近城  
平沙依鴈宿候館聽鷄鳴鄉國雲霄外誰堪羈旅情

三體



秋日送方干遊上元

曹松

天高淮泗白，料子趣脩程。  
汲水疑山動，揚帆覺岸行。  
雲離京口樹，鴈入石頭城。  
後夜分遥念，諸峯霧露生。

早行

郭良

早行星尚在，數里未天明。  
不辨雲林色，空聞風水聲。  
月從山上落，河入斗間橫。  
漸至重門外，依稀見洛城。

陸渾山莊

宋之問

歸來物外情，負杖闔岩耕。  
源水看花入，幽林採藥行。  
野人相問姓，山鳥自呼名。  
去去獨吾樂，無能愧此生。

送陸羽

皇甫曾

千峰待逋客，香茗復叢生。  
採摘知深處，煙霞羨獨行。  
幽期山寺遠，野飯石泉清。  
寂寂然燈夜，相思磬一聲。

送僧歸南嶽

周賀

辭僧下水棚，因聽嶽鍾聲。  
遠路獨歸寺，幾時重到城。  
風高寒木落，雨細夜堂清。  
自說深居後，鄰州亦不行。

送入歸蜀

馬戴

別離揚柳陌，迢遞蜀門行。  
若聽清猿後，應多白髮生。  
虹蜺侵棧道，雨雪雜江聲。  
過盡愁人處，煙花是錦城。



經周處士故居

方干

悲吟與獨行何事不閑情  
久立釣魚處惟聞啼鳥聲  
山蔬和雨歇海樹入籬生  
吾在茲溪上懷君恨不平

處春

姚合

塵中主印吏誰遣有高情  
趁暖簷前坐尋芳樹底行  
土融疑野色水敗滿池聲  
漸覺春相泥朝來睡不輕

新春

官早長少事縣僻又無城  
未曉衝寒起迎春忍病行  
樹枝風掉軟菜甲土浮輕  
最好林間鵲今朝足喜聲

送耿處士

賈島

一瓶離別酒未盡即言行  
萬水千山路孤舟幾日程  
川原秋色靜蘆葦晚風鳴  
迢迓不歸客人傳虛隱名

送董卿赴台州

張嬪

九陌除書出尋僧問海城  
家從中路挈吏隔數州迎  
夜蚌侵灯影春禽雜櫓聲  
開圖知異迹思想石橋行

題元錄士所居

劉長卿

幽居蘿薜情高卧紀綱行  
鳥散秋鷹下人閑春草生  
月嵐歸野寺收印出山城  
今日新安郡因君水更清



田家

章孝標

田家無五行水旱卜蛙聲朱犢乘春放兒孫候暖耕  
池塘煙未歇桑柘雨初晴歲晚香醪熟村村自送迎

詠雨

僧皎然

片雨拂簷楹煩襟四座清霏微過麥壠蕭瑟傍莎城  
靜愛和花落幽聞入竹聲朝觀興無限高詠寄閑情

長安旅夜

許渾

久客怨長夜西風吹鴈聲雲移河漢淺月泛露華清  
掩瑟獨凝思緩歌空寄情門前有歸路迢遞洛陽城

題杜居士

松偃石牀平何人識姓名  
冰寒掉響巖雪夜窻明  
機盡心猿伏神閑意馬行  
知此來客身世兩無情

九日登樟亭驛樓

鱸膾與葦蕩西風片席輕  
潮回孤島晚雲歛衆山晴  
舟羽下高閣黃花垂古城  
因秋倍多感鄉樹接咸京

吳門送客早發

吳歌咽深思楚客怨歸程  
寺曉樓臺迥江秋管吹清  
早潮低水檻殘月下山城  
惆悵回舟日相南春草生



正聲

標誌

盧象

家居五原上征戰是平生獨負山西虜誰當塞上名  
死生遼海戰兩雪薊門行諸將封侯盡論功獨不成

送人尉閩中

李頎

可嘆芳菲日分爲萬里情閩門折垂柳御苑聽殘鶯  
海戍通閩邑江航過楚城客星君莫問春草是王程

類編

扈從登封途作其二首

宋之問

複道開行殿鈞陳列禁兵和風吹鼓角佳氣動旗旌  
後騎迴天苑前山入御營萬方俱下拜相與樂昇平

皇帝聖感詞

王昌齡

廟筭干戈止神謀宇宙清兩階文物盛七德武功成  
按獵長楊苑屯軍細柳營歸來獻明王歌舞隘春城

送裴相公往江南

皇甫冉

分務江南遠留權幕下榮楓林遠楚塞水驛到湓城  
岸草知春晚沙禽好夜驚風帆幾度泊處處望潮生

新安送穆諱德歸朝

劉長卿



九重宣室召萬里建溪行事有黃天在歸遲白髮生  
用才身復起親聖眼猶明一別寒江上潺湲若有情

和張明府登鹿門山

孟浩然

忽示登高作能寬旅寓情絃歌既多暇山水思彌清  
草得風先動虹因雨後成謬承巴俚和非敢應同聲

送馬向入蜀

徐嶷

遊子出咸京巴山萬里程白雲連鳥道青壁通猿聲  
雨霽經泥坂烟花望錦城工文人共許應紀蜀中行

送靈客

徐嶷

借問炎洲客天南幾日行江連惡溪路山繞夜郎城  
柳葉瘴雲濕桂林蠻鳥驚知君却回日記得梅花名

尋天台山

孟浩然

吾愛太乙子餐霞卧赤城欲尋華頂去不憚惡溪名  
歇馬憑雲宿揚帆截海行高高翠微裏遙見石梁橫

謫居漢陽阻雨題壁

鄭常

漢陽無遠近見說過湓城雪雨經春客江山幾日程  
終隨鷗鳥去只待海潮生前路逢漁父多愁問姓名

送彈琴李長史赴洪州

錢起



抱琴為傲吏孤棹復南行  
幾處秋江水皆添白雪聲  
佳期來客夢幽思緩王程  
佐牧無勞問心和政自平

酬袁補闕中天寺見寄

皇甫冉

東林初結社已有晚鍾聲  
窓戶皆流水房廊半架城  
遠山重疊見芳艸淺深生  
每與君携手多煩長老迎  
落第歸西蜀別劉祭酒高明府

陳伯玉

別館分周國歸驂入漢京  
地連函谷塞川接廣陽城  
望迥樓臺出途遙烟霧生  
莫言長落羽貧賤一交情

河岳英靈

觀挿箏

王灣

厖室有秦箏寧新月復清  
絃多弄委曲柱促語分明  
曉怨疑繁手春嬌入慢聲  
近來惟此樂傳得美人情  
宿陳留李少府廳作

祖詠

相知有叔卿訟簡夜弥清  
旅泊倦愁卧空堂聞曙更  
風簾搖燭影秋雨帶虫聲  
歸思却堪說悠悠恨洛城

李集

觀胡人吹笛



胡人吹玉笛一半是秦聲十日吳山曉梅花落敬亭  
出九情 愁聞出塞曲淚滿逐臣嬰却望長安道空懷戀主

送友人

青山橫北郭白水繞東城此地一為別孤蓬萬里征  
浮雲遊子意落日故人情揮手自茲去蕭蕭班馬鳴

送友人入蜀

見說蠶叢路崎嶇不易行山從人面起雲傍馬頭生  
芳樹籠秦棧春流遶蜀城升沉應已定不必問君平

題宛溪館

吾憐宛溪好百尺照心明可謝新安水千尋見底清  
白沙留月色綠竹助秋聲却笑嚴湍上于今獨擅名

鳳臺曲

嘗聞秦帝女傳得鳳凰聲是日逢仙子當時別有情  
人吹綵簫去天借綵雲迎曲在身不返空餘弄玉名

贈昇州王使君忠臣

六代帝王國三吳佳麗城賢人當重寄天子惜高名  
巨海一邊靜長江萬里清應須救趙策未肯棄侯嬴



寄遠

長短春草綠綠階如有情卷施心獨苦抽却死還生  
覩物知妾意希君種後庭閑時心採掇念此莫相輕  
寄當塗趙少府炎

晚登高樓望木落雙江清寒山饒積翠秀色連州城  
目送楚雲盡心悲胡鴈聲相思不相見迴首故人情

贈從弟南平太守之遙其二首

東平與南平今古兩步兵素心愛美酒不是顧專城  
謫官桃源去尋花幾處行秦人如舊識出戶笑相迎

對酒憶賀監

狂客歸四明山陰道士迎敕賜鏡湖水為君臺沼榮  
入亡餘故宅空有荷花生念此杳如夢淒然傷我情

杜集

月

併照巫山出新窺楚水清羈柵愁裏見二十四迴明  
必驗升沉體如知進退情不遺銀漢落亦伴玉繩橫

月

天上秋期近人問月影清入河蟾不沒搗藥兔長生



只益丹心苦能添白髮明干戈知滿地道一作休照國

西營

季秋蘇五弟纓江樓夜宴崔十三評事書

少府姪其二首

峽險江驚急樓高月迥明一時今夕會萬里故鄉情

星落黃姑渚秋辭白帝城老人因酒病一作因堅坐

看君傾

獨坐

悲秋迴白首倚杖背孤城江歛洲渚出天虛景物清

滄溟服衰謝朱綬負平生仰羨黃昏鳥投林羽翮輕

久客

羈旅知交態淹留見俗情衰顏抑自哂小吏最相輕  
去國哀王繫傷時哭賈生狐狸何足道豺虎正縱橫

正月三日歸溪上有作簡院內諸公

野外堂依竹籬邊水向城蟻浮仍臘味鷗泛已春聲  
藥許鄰人斲書從稚子擎白頭趨幕府深覺負平生

入宅其三首

宋玉歸州宅雲通白帝城吾人淹老病旅食豈才名



峽口風常急江流氣不平只應與兒子飄轉任浮生

熟食日示宗文宗武

消渴遊江漢羈棲尚甲兵幾年逢熟食萬里逼清明  
松栢邛山路風花一作白帝城汝曹催我老回首淚  
縱橫

哭嚴僕射歸襯

素幔隨流水歸舟返舊京老親如宿昔部曲異平生  
風送蛟龍雨天長驃騎營一哀三峽暮遺後見君情

春遠

蕭蕭花絮晚菲菲紅素輕日長唯鳥雀春遠獨柴荆  
數有閔中亂何曾劍外清故鄉歸不得地入亞夫營

春日江村五首

群盜哀王粲中年召賈生登樓初有作前席竟為祭  
宅入先賢傳才高處士名異時懷二子春日復含情

移居夔州郭

伏枕雲安縣遷居白帝城春知催柳別江與放船清  
農事聞人說山光見鳥情禹功饒斲石且就土徵平

西閣雨望



樓雨霑雲幔山寒著水城  
逕添沙面出湍減石稜生  
菊藥凄疎放松林駐遠情  
滂沱朱檻濕萬慮倚簷作  
簷楹

戲作俳諧體遣悶

其二

西歷青羌坂南番白帝城  
於騎菟音徒侵家恨拒其堞  
救堞呂作人情瓦卜傳神語  
會以諸田費火聲是非  
何處定高枕笑浮生

奉送卿二翁統節度鎮軍還江陵

火旗還給纜白馬出江城  
嘹唳吟笳發蕭條別浦清

寒空巫峽曙落日渭陽情  
晉滯嗟衰疾何時見息兵

八月十五夜月

其二

稍下巫山峽猶銜白帝城  
氣沉全浦暗輪側半樓明  
刁斗皆催曉蟾蜍且自傾  
張弓倚殘魄不獨漢家營

送元二適江左

亂後今相見秋深復遠行  
風塵為客日江海送君情  
晉室丹陽尹公孫白帝城  
經過自愛惜取次莫論兵

送李經擘

王子思歸日長安已亂兵  
霑衣問行在走馬向承明



暮景巴蜀僻春風江漢清  
晉山雖自棄魏闕尚含情  
歲暮

歲暮遠為客邊隅  
還用兵煙塵犯雪嶺  
鼓角動江城  
天地日流血  
朝廷誰請纓  
濟時敢愛死  
寂寞壯心驚

滕王亭子

寂寞春山路  
君王不復行  
古墻猶竹色  
虛閣自松聲  
鳥雀荒村暮  
雲霞過客情  
尚思歌吹入  
千騎把霓旌

公安縣懷古

野曠呂蒙營  
江深劉備城  
寒天催日短  
風浪與雲平

灑落君臣契  
飛騰戰伐名  
維舟倚前浦  
長嘯一含情

公安送李二十九弟晉肅入蜀余下沔鄂  
正解柴桑纜  
仍看蜀道行  
掃烏相背發  
塞鴈一行鳴  
南紀連銅柱  
西江接錦城  
憑將百錢卜  
飄泊問君平

宿青草湖

洞庭猶在目  
青草續為名  
宿漿依農事  
郵籥報水程  
寒水爭倚薄  
雲月遞微明  
湖鴈雙雙起  
人來故北征  
江閣卧病走筆寄呈崔盧兩侍御

客子庖厨薄  
江樓枕席清  
衰年病祗瘦  
長夏想為情



滑憶彫胡飯香聞錦帶羨潘起兼暖腹誰欲致盃嬰

戲題寄上漢中王

西漢親王子成都老客星百年雙白鬢一別五秋營  
忍斷盃中物祇看座右銘不能隨皂蓋自醉逐浮萍

房兵曹胡馬

胡馬大宛名鋒稜瘦骨成竹批雙耳峻風入四蹄輕  
所向無空濶直堪托死生驍騰有如此萬里可橫行

不歸

河間尚征伐汝骨在空城從弟人皆有終身恨不平

數金憐俊邁總角愛聰明面上三年土春風草又生

天河

常時任顯晦秋至最一作分明縱被微雲掩終能永  
夜清含星動雙闕伴月落邊城牛女年年度何曾風

浪生

贈陳二補闕

世儒多汨沒夫子獨聲名獻納聞東觀君王問長卿  
皂鵬寒始或作急天馬老能行自到青冥裏休看白

髮生



春夜喜雨

好雨知時節當春乃發生隨風潜入夜潤物細無聲  
野徑雲俱黑江船火獨明曉看江濕處花重錦官作  
宮城

遣意二首

其一

轉枝黃鳥近泛渚白鷗輕一徑野花落孤村春水生  
衰年催釀黍細雨更移橙漸喜交遊絕幽居不用名  
月夜憶舍弟

戍鼓斷人行秋邊一雁聲露從今夜白月是故鄉明

有弟皆分散無家問死生寄書長不達况乃未休兵

陪鄭廣文遊何將軍山林十首

其二

香頂風潭上千章夏木清卑枝低結子接葉暗巢鷺  
鮮鯽銀絲鱠香芹碧澗羨翻疑拖樓底晚飯越中行

端午日賜衣

宮衣亦有名端午被恩榮細葛含風軟香羅疊雪輕  
自天題處濕當暑看來清意內稱長短終身荷聖情

送遠

帶甲滿天地胡為君遠行親朋盡一哭鞍馬去孤城



草木歲月晚閑河霜雪清別離已昨日因見古人情

漫成其二首

野日荒荒白春流泯泯清渚蒲隨地有村迢迢門城  
一作只作披衣慣常從澆酒生眼邊無俗物多病也

泛江送客

二月頻送客東津江欲平煙花山際重舟在浪前輕  
淚逐勸杯落愁連吹笛生離筵不隔日那得易為情

水檻遣心二首

蜀天常夜閉江檻已朝晴葉潤林塘密衣乾枕席清  
不堪祇老病何得尚浮名淺把涓涓酒深憑送此生

屏跡三首

用拙存吾道幽居近物情桑麻深雨露燕雀半生成  
村鼓時時急漁舟箇箇輕扶藜從白首心迹喜雙清

送段功曹歸廣州

南海春天外功曹幾日程峽雲籠樹小湖日落江明  
交趾丹砂重韶州白葛輕幸君因估客時寄錦官城

奉濟驛重送嚴公四韻



遠送從此別青山空復情  
幾時盃重把昨夜月同行  
列郡謳歌惜三朝出入榮  
江村獨歸處寂寞養殘生

花鴨

花鴨無泥滓塔前每緩行  
羽毛知獨立黑白太分明  
不覺群心妬休牽衆眼驚  
猶梁露汝在作意莫先鳴

悲秋

涼風動萬里羣盜尚縱橫  
家遠博書日秋來為客情  
愁窺高鳥過老逐衆人行  
始欲投三峽何由見兩京

客夜

客睡何曾著秋天不肯明  
入簾殘月影高枕遠江聲  
計拙無衣食途窮仗友生  
老妻書數紙應悉未歸情

翫月呈漢中王

夜深露氣清江月滿江城  
浮客轉危坐歸舟應獨行  
關山同一照鳥鵲自多驚  
欲得淮王術風吹暈已生

送竇九歸成都

文章亦不盡竇子才縱橫  
非爾更苦節何人符大名  
讀書雲閣觀綸錦官城  
我有院花竹題詩須一行

兩首  
其一



微雨不滑道斷雲疎復行紫崖奔颯黑白鳥去邊明  
秋日新霽影寒江舊落聲柴扉臨野碓半濕搗香秬

陪裴使君登岳陽樓

湖濶兼雲霧樓孤屬晚晴禮加徐孺子詩接謝宣城  
雪岸叢梅發春泥百草生敢違漁父問從此更南征

村夜

風色蕭蕭暮江頭人不行村春雨外急鄰火夜深明  
胡羯何多難漁樵寄此生中原有兄弟萬里正含情

韓集

大行皇太后挽歌詞

一紀尊名正三時孝養榮高居朝聖主厚德載群生  
武帳虛中禁玄堂掩太平秋天笳鼓歇松栢偏  
山鳴

次石頭驛寄江西王十中丞閣老

憑高試迴首一望豫章城人由戀德在馬亦別群鳴  
寒日夕始照風江風遠漸平默然都不語應識此時情

杏園送張侍御歸使



東風花樹下送爾出京城久抱傷春意新添惜別情  
歸來身已病相見眼還明更肯將詩酒誰家逐後生

送李負外院長分司東都

去年秋露下羈旅逐東征今歲春光動驅馳別上京  
飲中相顧色送後獨歸情兩地無千里因風數寄聲

五言排律

正音

曉行巴峽

王維

際曉接巴峽餘春憶帝京晴江一水浣朝日衆禽鳴

水國舟中市山橋樹杪行登高萬井出眺迥二流明  
人作殊方語鴛鴦為故國聲賴諳山水趣稍解別離情

遊感化寺

翡翠香烟合琉璃寶殿平龍宮連棟宇虎穴傍簷楹  
谷靜惟松響山深無鳥聲瓊峯當戶折金澗透林明  
郢路雲端迥秦川兩外晴鴈王銜果獻鹿女踏花行  
抖擻辭貧里歸依宿化城繞籬生野蕨空館發山櫻  
香飯青菰米嘉蔬綠芋羹誓陪清梵末端坐學無生

遺響



遼西

崔顥

燕郊芳歲晚殘雪凍邊城四月青草合遼陽春水生  
胡人正牧馬漢將日徵兵露重寶刀濕沙塵金鼓鳴  
寒衣著已盡春服誰為成寄語洛陽便為傳邊塞情  
行營酬呂侍御時尚書問罪襄陽軍次漢  
東境上侍御以舟隣寇復有水火迫於  
征稅詩以見喻  
劉長卿  
不敢淮西卧來趨漢將營受辭瞻左鉞扶疾拜前旌  
井稅鵝衣繁壺漿如鬢髮迎水歸餘斷岸烽至掩孤城

晚日當千騎秋風合五兵孔璋才素重早晚檄書成

正聲

奉和聖制途經華嶽

張說

西嶽鎮皇京中峯入太清玉變重嶺應緹騎薄雲迎  
白日懸高掌寒空類削成軒遊會神處漢幸望仙情  
舊廟青林古新碑綠字生群臣願封岱迴駕勒鴻名  
奉和聖製早登太行山率爾言志

張九齡

孟月攝提貞乘時我后征晨嚴九折度暮戒六軍行



日御馳中道風師卷太清戈鋌林表出組練雪間明  
順動希皇豫高深奉睿情陪遊七聖列望幸百神迎  
氣色烟猶喜恩光草尚榮之果稱萬歲今此復同聲  
奉和聖製送張說赴朔方軍 張嘉貞

天錫我宗盟元戎傳夏卿多才兼將相必勇獨橫行  
經緯稱人傑文章作代英山川看是障草木想為兵  
不待河水合猶防塞月明有謀當較醜無戰且綏氓  
閩外傳三畧雲中奠一平感恩同義激悵別屢魂驚  
直視前旌掣遙聞後馬鳴還期方定日復此出郊迎

奉和宣城張太守南亭秋夕懷友

錢起

池館蟬姑鳴梧桐秋露晴月臨朱戟靜河近畫樓明  
卷幔浮涼入聞鍾永夜清片雲懸曙斗數鴈過秋城  
羽扇揚風暇瑶琴悵別情江山飛麗藻讞眺尚詩名

奉和聖製登朝元閣

六合紆玄覽重軒啓上清石林飛棟出霞頂泰階平  
拂曙鑾輿上晞陽瑞雪晴翠微回日馭丹嶽駐天行  
御氣升銀漢垂衣俯錦城山通玉苑迴河抱紫闕明



感物軋文動凝神道化成周王陟喬岳列壁讓英聲

從軍行

盧綸

二十在邊城軍中得勇名卷旗收敗馬占磧擁殘兵  
覆陣鳴鳶起燒山草木鳴塞閑思遠獵師老厭分營  
雪嶺無人跡冰河有鴈聲李陵甘此沒惆悵漢公營

別徐明府

賈島

抱琴非本意生事偶相縈口尚袁安節身無子賤名  
地寒春雪成山淺夕風輕百戰餘荒野千夫漸偶耕  
一杯宜獨夜孤客戀交情明日疲驂去蕭條過古城

類編

春日奉獻聖壽無疆詞十首

揚巨源

物象朝高殿簪裾溢上京春當九衢好天向萬方明  
樂報簫韶發杯看沆瀣生芙蓉丹闕暖楊柳玉樓晴  
閭闔開中禁衣裳儼太清南山同聖壽長對鳳凰城

送郭僕射節制劍南

岑參

鉞馬擐紅纓幡旗出禁城明王親授鉞丞相欲專征  
玉饌天厨送金杯御酒傾劍門乘險過閣道踏空行  
山鳥驚吹笛江猿見洗兵曉雲隨去陣夜月逐行營



南仲今時往西戎計日平將心感知已萬里寄懸旌  
送歸中丞使新羅 皇甫舟

詔使殊方遠朝議舊典行浮天無盡處望日計前程  
暫喜孤山出長愁積水紫野風飄疊鼓海雨濕危旌  
異俗知文教通儒有令名還將大戴禮方外受諸生

李集

登瓦官閣

晨登瓦官閣極眺金陵城鍾山對北戶淮水入南營  
漫漫雨花塔嘈嘈天樂鳴兩廊振法鼓四角吟一作吹

風華春出霄漢上仰攀日月竹山空勇氣威地古興  
陰生寥廓雲海曉蒼洋宮觀平門餘闕闕字樓識鳳  
凰名雷作百山動神扶萬拱傾靈之何足貴長此鎮  
吳京

秋夜獨坐懷故山

心隱暮安石遠遊學屈平天書沙江岸雲出起咸京  
入侍瑤池宴出陪玉輦行誇胡新賦作諫傑短書成  
但奉紫霄顧非邀青史名莊周空說劍墨翟耻論兵  
拙薄遂踈絕歸閑事偶耕顧無蒼生望空愛紫芝榮



寥落暝霞色微茫舊壑情秋山綠蘿月今夕為誰明  
送儲邕之武昌

黃鶴西樓月長江萬里情春風三十度空憶武昌城  
送爾難為別銜盃惜未傾湖連張樂地山逐泛舟行  
諾謂楚人重詩傳謝眺清滄浪吾有曲寄入棹歌聲

杜集

奉送郭中丞兼太僕卿充隴六節度使三

十韻

詔發西山將秋屯隴右兵婁涼餘部曲燁尺善抽赫

舊家聲鵬鸚乘時去驪驪顧主鳴艱難須上策安易  
即前程斜日當軒蓋高風捲旆旌松悲天水冷沙亂  
雪山清和虜猶懷惠防邊詎敢驚古來於異域鎮靜  
示專征燕薊奔封豕周秦觸駭鯨古原何慘黯餘孽  
尚縱橫箭入昭陽殿笳吟細柳營內人紅袖泣王子  
白衣行宸極妖星動園陵一作殺氣平空餘金挽一作  
盈出無復總帷輕毀廟天飛兩焚宮火徹明一作恩朝  
共落掄揔夜同傾三月師逾整群胡勢就烹瘡痍親  
接戟勇决冠垂成妙譽期元宰殊恩且列鄉幾時回



節鉞戮力掃攬捨圭竇三千士雲梯七十城耻非齊  
說客甘似魯諸生通籍微班忝周行獨坐榮隨肩趨  
漏刻短髮寄簪纓徑欲依劉表還疑厭禰衡漸衰那  
此別忍淚獨含情廢邑狐狸語空村虎豹爭人頻墜  
塗炭公豈忘精誠元帥調新律前軍壓舊京安邊仍  
扈從莫作後功名

奉送二十三舅錄事之攝郴州

賢良歸盛族吾舅盡知名徐庶高交友劉牢出外甥  
泥塗豈珠玉環堵但柴荆衰老悲人世驅馳厭甲兵

氣春江上別淚血滑陽情舟鷁排風影林鳥反哺聲  
永嘉多北至勾漏且南征必見公侯復終聞盜賊平  
郴州頗涼冷橘井尚淒清從役何蠻貊居官志在行

宗武生日

小子何時見高秋此日生自從都邑語已伴老夫名  
詩是吾家事人傳世上情孰精文選理休覓綵衣輕  
凋瘵筵初秩歆斜坐不成流霞分片片消酒就徐傾  
與李十二白同尋范十隱居

李侯有佳句徃徃似陰鑑余亦東蒙客憐君如弟兄



醉眠秋共被攜手月同行更想幽期一作處還尋北  
郭生入門高興發侍立小童清落景聞寒杵也雲對  
古城向來吟橘頌誰欲討尊羹不願論籍笏悠悠滄  
海情

敬贈鄭諫議十韻

諫官非不達詩義早知名破的由來事先鋒孰敢爭  
思飄雲外物律中鬼神驚毫髮無遺恨波瀾獨老成  
野人寧得所天意薄浮生多病休儒服真搜信客旌  
築居仙縹緲旅食歲崢嶸使者求顏闔諸公厭禰衡

將期一諾重欬使寸心傾君見窮途哭宜憂阮步兵

柳司馬至

有客歸三峽相過問兩京函關猶出將渭水更屯兵  
設備邨鄣道和親邏步城幽燕唯鳥去商洛少人行  
衰謝身何補蕭條病轉嬰霜天到宮闕戀主寸心明

送覃二判官

先帝弓劍遠小臣餘此生蹉跎病江漢不復謁承明  
餞爾白頭日永懷丹鳳城遲遲戀屈宋渺渺卧荆衡  
魂斷航舸失天寒沙水清肺病若稍愈亦上赤霄行



韓集

學諸進士作精衛銜石填海

烏有償寬者終年抱寸誠口銜山石細心望海波平  
渺渺功難見區區命已輕人皆譏造次我獨賞專精  
豈計休無日惟應盡此生何慙刺客傳不著報讎名

七言絕句

正音

獻封大夫破播仙凱歌

岑參

日落隰門鼓角鳴千群面縛出蕃城洗兵滌海雲

陣秣馬龍堆月照營

新息道中作

劉長卿

蕭條獨向汝南行客路多逢漢騎營古竹蒼蒼離亂  
後幾家同住一孤城

滁州西澗

韋應物

獨憐幽草澗邊生上有黃鸝深樹鳴春潮帶雨晚來  
急野渡無人舟自橫

子規啼

高林滴露夏夜清南山子規啼一聲隣家孀婦抱兒



泣我獨展轉何時明

題蘭若

崔峒

絕頂茅庵老此生寒雲孤木伴經行  
世人那得知幽迳遙向青峯禮磬聲

旅次寄湖南張郎中

戎昱

寒江近戶漫流聲竹影當窓亂月明  
歸夢不知湖水濶夜來還到洛陽城

移家別湖上亭

好是春風湖上亭柳條藤蔓繫離情  
黃鸝久住渾相

識欲別頻啼四五聲

唐昌觀玉蕊花

王建

一樹龍葱玉刻成飄廊點地色輕輕  
女冠夜覓香來處惟見階前碎月明

宮詞

金吾除夜進儺名畫袴朱衣四隊行  
院院燒燈如白日沉香火裏坐吹笙

竹枝詞

劉禹錫

揚柳青青江水平聞郎江上唱歌聲  
東邊日出西邊



兩道是無情還有情

與歌者何戡

二十餘年別帝京重聞天樂不勝情舊人惟有何戡  
在更與殷勤唱渭城

鬲歌詞

春江月出太陽平隄上女如連袂行唱盡新詞懽不  
見紅霞暖樹鷓鴣鳴

吳宮

李商隱

龍檻沉沉水殿清禁門深地斷人聲吳王宴罷滿宮

醉日暮水漂花出城

道響

宮詞

王涯

白雲猶兒拂地行慣眠紅毯不曾驚深宮更有何人  
到只向金堦吠曉螢

出九青 漏底格

洛中逢韓中丞之吳興口號 劉禹錫

昔年意氣結群英幾度朝回一字行海北天南零落  
盡兩人相見洛陽城

後宮詞

白居易



淚盡羅巾夢不成夜深前殿按歌聲  
紅顏未老恩先斷斜倚熏籠坐到明

暮春瀆水送別

韓琮

綠暗紅稀出鳳城暮雲宮闕古今情  
行人莫聽宮前水流盡年光是此聲

華清宮

杜常

行盡江南數十程曉風殘月入華清  
朝元閣上西風急都入長楊作雨聲

賞春

羅鄴

芳草和烟暖更青閑門安路一時生  
年年檢點人間事惟有東風不世情

涼思

吳融

松間小檻接波涼月淡四沉暑氣清  
半夜水禽栖不定綠荷風動露珠傾

寄人

其二

張泌

酷憐風月為多情還到春時別恨生  
倚樹尋思倍惆悵一場春夢不分明

搖落

蕭莊



搖落秋天酒未醒  
淒淒長似別離情  
黃昏倚柱不歸  
去腸斷綠荷風雨聲

温庭筠

瑶瑟怨

永簟銀床夢不成  
碧天如水夜雲輕  
鴈聲遠過瀟湘  
去十二樓中月自明

薛能

宮詞

身是三千第一名  
內家華裏獨分明  
芙蓉殿上中元  
日水拍銀盤弄化生

三體

李涉

長安作

宵分獨坐到天明  
又策羸驂信脚行  
每日除書雖滿  
紙不曾聞有介推名

高蟾

金陵晚望

曾伴浮雲歸晚色  
猶陪落日泛秋聲  
世間無限丹青  
手一段傷心畫不成

趙嘏

柳枝

和風煙樹九重城  
夾路春陰十萬營  
惟向邊頭不堪  
望一株憔悴少人行



患眼

張籍

三年患眼今年較免與風光便隔生昨日韓家後園裏看花猶自未分明

選唐

竹枝詞

劉文房

白帝城頭春草生白鹽山下蜀江清南人上來歌一曲北人莫上動鄉情

又

江上朱樓新雨晴瀼西春水穀文生橋東橋西好楊

柳人來人云唱歌行

宿石門山居

雍陶

窓燈欲滅夜寒生螢火飛來促織鳴宿客幾回眠又起一溪春水枕邊聲

過華清宮

李約

君王遊樂萬機輕一曲霓裳四海兵玉輦升天人已盡故宮猶有樹長生

別友人

長孫佐輔

愁多不忍醒特別相極還尋靜處行誰遣同衾又分



手不知行路本無情

浮萍

陸龜蒙

曉來風約半池明重疊侵沙綠  
麝成不用臨池重相  
咲最無根蒂是浮名

類編

公子

羅虬

雕鞍玉勒照花明過後香風特地  
半醉五侯門裏

月高猶在禁街行

正聲

從軍行

王昌齡

琵琶起舞換新聲  
總是關山離別情  
撩亂邊愁聽不  
盡  
高高秋月照長城

塞下

常建

鐵馬胡裘出漢營  
分旄百道救龍城  
九賢未道旌竿  
折過在將軍不在兵

雜詩

無名氏

無定河邊暮笛聲  
赫連臺畔旅人情  
函關歸路千餘  
里  
一夕秋風白髮生



李集

橫江詞 六首  
其五

橫江館前津吏迎向余東指海雲生  
即今欲渡綠何事如此風波不可行

春夜洛城聞笛

誰家玉笛暗飛聲散入春風滿洛城  
此夜曲中聞折柳何人不起故鄉情

杜集

奉和嚴鄭公雷城早秋

秋風嫋嫋動高旌玉帳分弓射虜營  
巴水瀟瀟雲間戍欲一作奪蓬婆雪外城

漫成

江月去人只數尺風燈照夜欲三更  
沙頭宿鷺聯拳靜船尾跳魚撥刺鳴

解悶 十二首  
其十一

翠瓜碧李沉玉甃赤梨蒲萄寒露成  
可憐先不異技蔓此物娟娟長遠生

書堂飲既夜復邀李尚書下馬月下賦絕句



湖上一作木林風相與清殘罇一作罇下馬復同傾又拚  
野鶴如雙鬢度莫鄰鷄下五更

夔州歌十絕 其二

白帝夔州各異城蜀江楚峽混殊名英雄割據非天

意霸王去聲并吞在物情

戲為六絕 其一

庾信文章老更成凌雲健筆意縱橫令人唾點流傳  
賦不覺前賢畏後生

春水生二首 其一

二月六夜春水生門前小灘渾欲平鷓鴣鷓鴣莫漫  
喜吾與汝曹俱眼明

絕句三首 其三

無數春筍滿林生柴門密掩斷人行會須上番看成  
竹客至從嗔不出迎番有惠切

韓集

八閔誄馬

歲老豈能充上駟力微當自慎前程不知何故翻讓  
言辜過閑門或作一鳴



榴花

五月榴花照眼明  
枝間時見子初成  
可憐此地無車馬  
顛倒青苔落絳英

盆池 五首 其二

莫道盆池作不成  
藕稍初種已齊生  
從今有雨一作雨或作

灑蒼頡記來聽蕭蕭打葉聲

盆池 五首 其三

瓦沼晨朝水自清  
小蟲無數不知名  
忽然分散無蹤影  
惟有魚兒作隊行

晚雨

廉纖晚雨不能晴  
池岸草間蚯蚓鳴  
投竿跨馬蹋歸路  
纔到城門打鼓聲

和武相公早春聞鶯

早晚飛來入錦城  
誰人教解百般鳴  
春風紅樹驚鶯眠  
處似妬歌童作豔聲

奉和裴相公東征途經九女山下作

旗穿曉日雲霞雜  
山倚秋空劔戟明  
敢請相公平賊  
後暫攜諸吏上崢嶸



同李二十八員外從襄相公野宿西界  
四面星辰著地明散燒煙火宿天兵不閉破賊須歸  
奏自趁新年賀太平

過襄城

鄆城辭罷過襄城潁水嵩山刮眼明已去蔡州三百  
里家人不用遠來迎

贈汪倫

李白乘舟將欲行忽聞岸上踏歌聲桃花潭水深千  
尺不及汪倫送我情

送韓侍御之廣德

昔日繡衣何足榮今宵釀酒與君傾暫就東山餘月  
色酣歌一夜送泉明

七言律詩

正音

夜接豐德寺謁海上人

盧綸

半夜中峯有磬聲偶尋樵者問山名上方月曉聞僧  
語下界林疎見客行野鶴巢邊松最老毒龍潛處水  
偏清願得遠公知性字焚香洗鉢過餘生



寄陸渾趙明府

王建

與君學者同官處常日相隨說道情  
新作陸渾山縣長早知三禮甲科名  
郭中時有仙人住城上庶多藥  
草生公事稀練來客少何妨著履獨閑行

送楊少府貶柳州

王維

明到衡山與洞庭若為秋月聽猿聲  
愁看北渚三湘遠惡說南風  
五兩輕青草瘴時過夏口白頭浪裏見  
湓城長沙不復留才子賈誼何須吊屈平

行經華陰

崔顥

岧峣秦華俯咸京天然三峯削不成  
武帝祠前雲欲散仙人掌上兩初晴  
河山北枕秦關險驛路西連漢  
時平借問路傍名利客無如此處學長生

別嚴士元

李嘉祐

春風何掉鬪閭城水國春寒陰復晴  
細雨濕衣看不見閑花落地聽無聲  
日斜江上孤帆影草綠湖南萬  
里情東道若逢相識問青袍今已儒生

晚次鄂州

盧綸

雲開遠見漢陽城猶是孤帆一日程  
佑客晝眠知浪



靜舟人夜語覺潮生  
三湘愁髮逢秋色  
萬里歸心對月明  
舊業已隨征戰盡  
更堪江上鼓鼙聲

南原望漢宮

司空曙

荒原空有漢宮名  
衰草茫茫雉堞平  
連鴈下時秋水在  
行人過盡暮煙生  
西陵歌吹何年絕  
南陌登臨此日情  
故事悠悠不可問  
寒禽野水自縱橫

遺書

寄題甘露寺北軒

杜牧

曾上蓬萊小宮裏  
行北軒攔檻敢畱情  
孤高堪弄桓伊

笛縹緲宜聞子晉笙  
天接海門秋水色  
烟籠隋苑暮鍾聲  
他時會著荷衣去  
不向山僧道姓名

三體

送客之湖南

白居易

年年漸見南方物  
事事堪傷北客情  
山鬼趫跳惟一足  
峽猿哀怨過三聲  
帆開青草湖中去  
衣濕黃梅雨裏行  
別後雙魚定難覓  
近來湖不到湓城

酬慈恩文郁上人

賈島

袈裟影入禁池清  
猶憶鄉山近赤城  
離落罽間寒蟹



過葦苔石上晚蛩行期登野閣閑應甚阻宿幽房疾  
未平聞說人尋南嶽去無端詩思忽然生

春夕旅次

崔塗

水流花謝兩無情送盡東風過楚城蝴蝶夢中家萬  
里杜鵑枝上月三更故園書動經年別華髮春惟兩  
鬢生自是不歸歸便得五湖煙景有誰爭

送劉谷

李郢

村橋西路雪初晴雲煖沙乾馬足輕寒澗渡頭芳草  
色新梅嶺上鷓鴣聲郵亭已送征車發山館誰將候

火迎落日千峯轉迢遞知君回首望高城

春山道中寄孟侍御

張南史

春來游子傷歸路時有白雲邀獨行水流亂起石潭  
響花發不知山樹名誰家魚網求鮮食何處人煙事  
火耕昨日已嘗村酒熟一盃思與孟嘉傾

過乘如禪師蕭居士嵩立蘭若

王維

無著天親弟與兄嵩立蘭若一峯晴食隨鳴磬巢鳥  
下行踏空林落葉聲迸水定侵香案濕雨花應共石



床平深洞長松何所有儼然天竺古先生

春日閑坐

劉禹錫

官曹崇重難頻入第宅清閑且獨行  
苔蟻相逢如偶語園蜂速去恐遠程  
人於紅藥偏憐色鶯到垂楊不惜聲  
東洛池臺怨拋擲移文非久會應成

方干隱居

李山甫

咬咬嘎嘎水禽聲露洗松陰滿院清  
溪畔印沙多鶴跡檻前題竹有僧名  
問人遠岫千重意對客閑雲一片情  
早晚塵埃得休去且將書劔事先生

正聲

望薊門

祖詠

燕臺一去客心驚  
鼙鼓喧喧漢將營  
萬里寒光生積雪  
三邊曙色動危旌  
沙場烽火侵胡月  
海畔雲山擁薊城  
少小雖非投筆吏  
論功直欲請長纓

夜別常司士

王維

其館張燈酒復清  
夜深殘月鴈歸聲  
只言啼鳥堪求侶  
無那春風欲送行  
黃河曲裏沙為岬  
白馬津邊柳向城  
莫怨他鄉暫離別  
知君到處有逢迎



奉和 相公發益州

岑參

相國臨戎別帝京  
擁旌持節遠橫行  
朝登劔閣雲隨馬  
曉度巴江雨洗兵  
山花萬朶迎征蓋  
川柳千條拂去旌  
暫到蜀城應計日  
須知明主待持衡

樂遊原晴望上中書李侍郎 錢起

爽氣朝來萬里清  
憑高一望九愁輕  
不知鳳沼霖初霽  
但覺堯天日轉明  
四野山河通遠色  
千家砧杵共秋聲  
遙想青雲丞相府  
何時開閣引書生

鄴都懷古

劉滄

昔時霸業何蕭索  
古木唯多鳥雀聲  
芳草自生宮殿處  
牧童誰識帝王城  
殘春楊柳長川迥  
落日蕪篔遠水平  
一望青山便惆悵  
西陵無主月空明

鼓吹

秋日寓居精舍書事

盧弼

葉滿苔階杵滿城  
此中多恨恨難平  
踈簷看織蕭先切  
蛸所交 網暗室愁聽  
蟋蟀聲 醉卧欲拋  
羈客思 歸偏動故鄉情  
覺來獨步長廊下  
半夜西風吹月明

淮南發運趙刑州被詔歸闕 胡宿



天臺封詔紫泥馨馬首前瞻北斗城人在函關先望  
氣帝於京兆最知名一區東第趨辰近數刻西廂接  
書榮正是兩京裁化日百金雙壁拜虞卿

約張處士游梁

譚用之

莫學區區老一經夷門閔史舊書生晉朝滅後無中  
散韓國亡來絕上卿龍變洞中千谷冷劍橫天外八  
風清好携長策干時去免逐漁樵度太平

江上聞笛

誰為梅花怨未平一聲高喚百龍驚風出雷間固建初

靜月在姑蘇秋正明曲盡綠楊涵野渡管吹青玉動  
江城臨流不欲慙慙聽芳草王孫舊有情

貽南康陳處士

白玉堆邊蔣迳橫空涵二十四灘聲老無征戰軒轅  
國貧有茅茨帝舜城丹鳳畫飛群木冷一龍秋卧九  
江清時人莫笑非經濟還待中原致太平

別何處士陵俊老

三皇上人春夢醒東侯老大麒麟生洞連龍穴金山  
冷窓透鰲波盡室清計拙耻居巖麓老氣狂慙與斗



牛平誰人為向青編上直傍巢由寫一名

江館秋夕

耿耿銀河鴈半橫  
夢歌金壁轆轤輕  
滿窓謝練江風  
白一枕齊紈海月明  
楊柳敗稍飛葉響  
菱荷香柄折  
秋鳴誰人更唱陽關曲  
半落煙霞夢不成

書懷

司空圖

病來猶強引雛行  
力上東原欲試耕  
幾處馬嘶春麥  
長一川人喜雪峯晴  
閑知有味心難肯  
道貴謀安迹  
易平陶令若能兼  
不飲無愁亦是沾  
名

浙上

其二

西北鄉閩近帝京  
烟塵一片正傷情  
愁看地色連空  
色靜聽歌聲似哭聲  
紅蓼遮村人  
不見青山送檻路  
難平從他烟棹更南去  
休向津頭問去程

漂泊

鄭谷

槿墜蓮疎池館清  
日光風緒淡無情  
鱸魚斫鱠輸張  
翰摘樹呼奴羨李衡  
十口飄零猶寄食  
兩川消息未  
休兵黃花催促重陽酒  
何處登高望二京

渚宮亂後作



會編卷十  
鄉人未話亂離情淚滿一作酒殘陽問楚荆  
白社已應無故老清江依舊遶孤城  
高秋軍旅齊山樹昔日漁家楚野營  
牢落故居征戰後黃花綠蔓上墻生

觀征人回

楊巨源

西河戰罷萬方清原上軍回識舊營  
立馬望雲秋塞靜射鵰臨水晚天晴  
戍閑部伍分岐路地遠家鄉寄旆旌  
聖代止戈資廟畧諸侯不復更長征

雪

杜荀鶴

風攬長空寒骨生光於曉色報忽明  
江湖不見飛禽

影巖谷惟聞折竹聲巢穴幾多相似處  
路岐兼得一般平擁袍公子莫言冷  
中有樵夫跣足行

長安春舍叙邵陵舊懷永門蕭使君

曹唐

木魚金鑰鎖重城夜上紅樓縱酒情  
竹箭水繁更漏促桐花風軟管絃清  
百分散打銀船溢十指寬催玉筋  
輕星斗漸稀賓客散碧雲猶戀艷歌聲

以紫石硯寄魯望兼酬見贈皮日休

樣如金蹙小能輕微潤將融紫玉  
英石墨一研為鳳



尾寒泉半勺是龍睛騷人白正傷心暗狎客紅蓮奪  
眼明兩地有期皆好用不須空把洗溪聲

次韻看壓新醅

一簣松花細有聲旋將槩梳撒寒清秦吳只恐芻來  
近劉項真應釀得平酒德有神多客頌醉鄉無貨沒  
人爭五湖烟水即山月合向樽前問姓名

至德中途中書事寄卻澗

盧綸

亂離無處不傷情況復看碑對古城路遶寒山人獨  
六月臨秋水鴈空驚顏裝重喜歸鄉國身賤多慙問

姓名今日主人還共醉應憐世故一儒生

長安夜雨

薛逢

滯雨通宵又徹明百憂如草雨中生心闌桂玉天難  
曉運落風波夢亦驚壓樹早鴉飛不散別窓寒鼓濕  
無聲當年志氣俱消盡白髮新添四五莖

寄湖南從事

韓偓

索莫襟懷酒半醒無人一為解餘醒岸頭柳色春將  
盡船背雨聲天欲明去國正悲同旅鴈隔江可忍更  
啼鴛蓮花暮下風流客試與溫存遣逐情



殘春旅舍

旅舍殘春宿雨晴  
恍然心地憶咸京  
樹頭蜂抱花鬚落  
池面魚吹柳絮行  
禪伏詩魔歸靜域  
酒衝愁陣出奇兵  
兩梁免被塵埃汗  
拭拂朝簪待眼明

過臨淮故里

交遊昔歲已凋零  
第宅今來亦變更  
舊廟蒼涼時享絕  
諸孫飢凍一官成  
五湖更負他年志  
百戰空垂異代名  
榮盛幾何流落久  
遣人懷抱薄浮生

看壓新醅寄懷襲美

陸龜蒙

曉壓糟牀漸有聲  
旋如荒澗野魚清  
身前古態黜應出  
世上愁痕滴合平  
飲啄斷年同鶴儉  
風波終日看人爭  
樽中若使常能綠  
兩綬通侯總強名

逢東吳王

韋莊

十年身世一作事各如萍  
白首相逢淚滿纓  
老去不知花有態  
亂來惟覺酒多情  
貧疑陋巷春偏少  
貴想豪家月最明  
獨對一樽開口笑  
未衰應見太階平

衡陽與夢得分路贈別

柳宗元

十年顛顛到秦京  
誰料翻為嶺外行  
伏波故道風煙



在翁仲遺墟草樹平直以慵疎招物議休將文字占  
時名今朝不用臨河別垂淚千行便濯纓

送鄧王二十弟牧宣城

徐鉉

禁裏秋光似水清林煙池影共離情暫離黃閣只三  
載却望紫垣都數程滿座清風天子送隨車甘兩路  
人迎彤霞閣上題詩在從此還應為頌聲

傷虞將軍

許渾

自昔軍石未有名近將孤劍到江城巴童戍久能蕃  
語胡馬調多解漢行對月夜窮黃石累望雲秋計黑

山程河憐身死家猶遠汴水東流無哭聲

友人適越路過桐廬寄題江驛

李郢

桐廬縣前洲渚平桐廬江上晚潮生莫言獨有山川  
秀過日仍聞官長清麥隴虛涼當水店鱸魚鮮美稱  
尊羹玉孫客掉殘春去相送河橋羨此行

暮春山行田家歇馬

兩濕菰蒲斜日明茅厨煮蠶掉車聲青蛇上竹一種  
色黃蝶隔溪無限情何處漁樵將遠餉故園田土憶



春耕千峯靄靄水滴滴羸馬此中愁獨行

送盧藩尚書之武靈

常蟾

賀蘭山下果園成塞北江南舊有名水木萬家朱戶  
暗弓刀千騎鉄衣明心源落落堪為將膽氣堂堂合  
用兵却使六蕃諸子弟馬前不信是書生

長安思懷

秦韜玉

西風吹兩滴寒更鄉思撩人撥不平長有歸心懸馬  
首可堪無夢枕蛩聲雲收楚岫和空碧秋染湘江到  
底清早脫身閑著蓑去摘香深處釣舟橫

鸚鵡

每聞別鴈竟悲鳴却羨金籠寄此生早是翠衿爭愛  
惜可堪紅觜強分明雲漫隴樹魂應斷歌接秦樓夢  
不成幸自要人不識賺他為賦被時輕

春晚岳陽城言懷

崔魯

煙花零落過清明異國光陰老客情雲夢夕陽愁裏  
色洞庭春浪坐來聲天邊一與舊山別江上幾看芳  
草生獨凭一作倚闌干意難寫暮笳嗚咽調孤城

過張祐處士丹陽故居

顏萱



憶昔為兒逐我兄，曾拋竹馬拜先生。  
書齋已換當時主，詩壁空題故友名。  
豈是爭權番怨敵，可憐當路盡公卿。  
柴扉草屋無人問，猶向荒田責地征。

襄州春遊

皮日休

信馬騰騰觸處行，春風相引與詩情。  
等閑遇事成歌詠，取次衝筵隱姓名。  
映竹認人多錯誤，透花窺鳥最分明。  
岑牟單絞何曾著，莫道猖狂似禰衡。

冬至遇京使發寄舍弟

杜牧

遠信初憑雙鯉去，他鄉正遇一陽生。  
樽前豈解愁家

國輦下，惟能憶弟兄。  
旅館夜憂姜被薄，暮江寒覺晏裘輕。  
竹門風過還惆悵，疑是松窓雪打聲。

長安雜題

洪河清渭天地濬，太白終南地軸橫。  
祥雲輝映漢宮口，紫春光繡盡秦川。  
明草妬佳人，鈿朶色風回公子玉。  
銜聲六飛南幸美，芙蓉苑十里飄香入夾城。

寄鄠杜李遂良處士

高駢

小隱堪忘世上情，可能休夢入重城。  
池邊寫字師前輩，座右題名律後生。  
吟社客歸秦渡晚，醉鄉漁去漢



陂晴春來不得山中信  
盡日無人傍水行

書懷

吳融

傍巖依樹結簷楹  
夏物蕭條景更清  
灘響忽高何處  
兩松陰自轉此山晴  
見多隣犬遙相認  
來慣禽近  
不驚爭敢便誇饒  
勝事九衢塵裏免勞生

二月二日

李商隱

二月二日江上行  
東風日暖聞吹笙  
花鬢柳眼各無  
賴紫蝶黃蜂俱有情  
萬里憶歸元亮井  
三年從事亞  
夫營新春莫悞遊人  
意更作風簷夜雨聲

奉和襲美悼鶴

陸龜蒙

一夜圓吭絕不鳴  
八公虛道得千齡  
方添上客雲眠  
思忽伴中山劍  
解形但掩脩毛穿古堞  
永留寒影在  
空屏君才幸自清  
如鸞高芝田為刻銘

奉和日休病中孔雀

懶移金翠傍簷楹  
斜倚芳叢舊態生  
唯耐瘴煙籠飲  
啄可堪春雨滯  
飛鳴鴛鴦水畔迴  
頭羨葦菴圖前舉  
目驚爭得鷓鴣來  
往著不妨還校有心情

贈寫御容李長史

李遠



寶座煙消硯水清  
龍髯不動彩毫輕  
初分隆準山河秀  
乍點重瞳日月明  
宮女捲簾皆暗認  
侍臣開殿盡遙驚  
六朝供奉無人敵  
始覺僧繇浪得名

上李庶子

王建

紫煙樓閣碧沙亭  
上界詩仙獨自行  
竒險駭回還寐  
箕雲山經用始鮮  
明藕綃紋縷裁來  
滑鏡水波濤瀟  
得清昏思願因清  
露洗幸容堦底禮  
先生

惆悵吟

張泌

秋風丹葉動荒城  
慘澹雲遮日半明  
晝夢却因惆悵  
得晚愁多馬別離  
生江淹彩筆空題恨  
莊叟玄談未及情  
千古怨魂消不得  
一江寒浪若為平

春夕言懷

風透疎簾月滿庭  
倚闌無事倍傷情  
煙垂柳帶纖腰軟  
露滴花房怨臉明  
愁逐野雲消不盡  
情隨春浪去難平  
函窓謾結相思夢  
欲化西園蝶未成

汧陽縣閣

韋莊

汧水悠悠去似緝  
遠山如畫翠眉橫  
僧尋野渡歸吳岳  
鴈帶斜陽入渭城  
邊靜不收蕃帳  
馬地貧惟賣隴



山鸚牧童何處次羌笛一曲梅花出塞聲

漢州

北僂初到漢州城郭邑樓臺觸目驚松桂影中旌旆  
色菱荷風裏管絃聲人心不似經離亂時運還應却  
太平十日醉眠金馬驛臨岐無限臉波橫

送宮人入道

頃斯

願隨仙女董雙成王母前頭作伴行初戴玉冠多  
拜欲辭金殿別稱名將敲碧落新齋磬却進昭生  
第日暮焚香遶壇上步虛猶作按歌聲

九月十日偶成

李後主

晚雨秋陰酒乍醒感時心緒杳難平  
黃花冷落不成艷紅葉颼颼競鼓聲  
背世返能厭俗態偶緣猶未忘  
多情自從雙髮班班白不學安仁却自驚

病起題山舍壁

山舍初成病乍輕杖藜巾褐稱閑情  
爐開小火深廻煖溝引新流幾曲聲  
暫約彭涓安朽質終期宗遠問  
無生誰能役役塵中累會合魚龍構強名

得替後移居雲溪館

杜牧



萬家相慶喜秋成處處樓臺歌板聲千歲鶴歸猶有  
恨一年人住豈無情夜涼溪館留僧語風定蘇潭看  
月生景物登臨閑始見願為閑客北閑行

對壘

自此以下皆許渾  
集附于鼓吹之後

許渾

雲度龍山暗綺城先飛折瀝引輕盈素娥冉冉拜瑤  
闕皓鶴紛紛朝玉京陰嶺有風梅艷散寒林無月桂  
華清剡溪一醉十年事忽憶綉回天未明

聞理字子栖玄欲奉道因寄

欲求真訣戀福肩羽帔方袍盡有情仙骨本微靈鶴

逸法心潛動毒龍驚三山未有偷桃計四海空傳問  
菊名今日勸師師莫惑長生難學證無生

乘月棹舟送大曆寺靈聰上人不及

萬峯秋盡百泉清舊瑣禪扉在赤城楓浦客來煙未  
散竹窓僧去月猶明杯浮野渡魚龍遠錫響空山虎  
豹驚一字不畱何足訝白雲無路水無情

南陽道中

月斜孤館傍春行野店高低帶古城籬上曉花齋後  
落井邊秋葉社前生飢鳥索哺隨雛叫乳犝慵歸望



犢鳴荒草連天風動地不知誰學武侯耕

早秋韶陽夜雨

宋玉含悽夢亦驚芙蓉山響一猿聲陰雲行雨枕先  
潤夜電引雷窓暫明暗惜水花飄廣檻遠愁風葉下  
高城西歸萬里未千里應到故園春草生

送盧先輩白衡岳赴復州嘉禮

名振金閨步玉京暫留滄浪見高情衆花盡處松千  
尺群鳥喧時鶴一聲朱閣簾涼疎雨過碧溪船動早  
潮生離心不異西江水直送征帆萬里行

將歸姑蘇南樓餞送李明府

無處登臨不繫情一憑春酒醉高城暫移羅綺見山  
色綵駐管絃聞水聲花落西亭添別夢柳陰南浦促  
歸程前期迢遞今宵短更倚朱闌待月明

詩選

三年冬大禮

曹唐

皇帝齋心潔素誠自朝真祖報昇平華山秋草多歸  
馬滄海寒波絕洗兵銀箭水殘河影斫玉爐烟盡日  
華生千官整肅三天夜劔佩初聞入太清



觀賀皇太子冊命

殷文珪

嗣冊儲皇帝命行萬方臣妾躍歡聲鸞旃再立星辰  
正雉扇雙開日月明自有漢元爭翊戴不勞商皓定  
歌傾春宮保傳皆周召致主何憂不太平

奉寄中書王舍人

皇甫曾

腰金載筆謁承明至道安禪得此生西掖幾年綸綍  
賁東山遥夜薛蘿情風傳漏刻星河曙月上梧桐雨  
露清聖主好文誰為薦閉門空賦子虛成

聞吉中孚拜官寄元祕書昆季

李瑞

漢家採使不求聲自慰文章道欲行毛遂登門雖異  
賞韓非入傳濫齊名雲歸暫愛青山出客去還愁白  
髮生年少奉親昔願避敢將心事向玄成

送李評事赴潭州使幕

錢起

湖南遠去有餘情蘋葉初齊白芷生謾說簡書催物  
伎遙知心賞緩王程興過山寺先雲到嘯引江帆帶  
月行幙下由來貴無事竹間談笑靖黎氓

送康洗馬



腰佩雕弓漢射聲東歸御命見雙旌青絲玉勒康侯  
馬白水金河滑伯城臘雪夜寒宜縱飲晴蕪畫踏不  
妨行懷君又隔千山遠一夜春風百草生

題王母廟

劉滄

竊窾珠翠想遺聲門掩煙微水殿清拂曙紫霞生古  
壁何年絳節下層城鶴歸遼海春光晚花落開指夕  
雨晴武帝無名在仙籍玉壇星月夜空明

光嶽英華

東城值雨

劉威

二月鸞輿出鳳城此時遊子動歸程蓬萊一水通雲  
氣閭闔千門度雨聲書卷香從船尾載酒杯愁就馬  
頭傾長年三老歡相語沙際河流一夜生

朔旦冬至南郊即事

權得輿

大明南至應天正朔旦園立樂六成文軌盡同堯曆  
象齋祠忝備漢公卿星辰列位祥光滿金石交音曉  
奏清更有觀臺稱賀處黃雲捧日瑞昇平

長安曉望寄崔補闕

包何

迢遞山河擁帝京參差宮殿接雲平風吹曉漏經長



樂柳帶晴烟出禁城天爭笙歌臨路發日高車馬隔  
塵行自慚父在諸生列未得金閨籍姓名

類編

贈趙將軍

張籍

當年膽略已縱橫每見妖星氣不平身貴早登龍閣  
道功高曾破賊頭城尋常入對論邊事委曲承恩掌  
內兵會取安西歸報國凌烟閣上早題名

贈王侍御

張籍

心同野鶴與塵遠詩似冰壺見底清府縣同趨昨日

事升沉不改故人情上陽秋晚蕭蕭雨洛水寒來夜  
夜聲自嘆猶為折腰吏可憐駘馬路傍行

送盧侍御赴河北

劉長卿

謫居為別倍傷情何事從容獨遠行千里按圖收故  
地三軍罷戰及春耕江天渺渺鴻初去漳水悠悠草  
欲生莫學竹連邈海上田單空愧取聊城

送客往鄜州

楊凝

新參將相事營平錦帶辭弓結束輕曉上關城吟盡  
角暗馳羌馬教支兵回中地近風常急鄜時年多草



自生近喜扶杖，係戎相從來衛霍笑長纓。

過丹陽

吳融

雲陽縣郭半郊，風物蕭條萬古情。山帶梁朝陵路，  
斷水連劉尹宅。基平桂枝自折，思前代藻鑑難逢。恥  
後生遺事滿懷，兼滿目不堪孤掉倚荒城。

哭吳諫議

雍陶

偶聞哀訃滿朝驚，感番陽罷市情。遺愛永存今似  
古，高名不朽死如生。神仙難見青驪事，諫議空留白  
馬名。門館曾為受恩客，幾回垂淚適宣平。

杜集

諸將

韓公本意築三城，擬絕天驕拔漢旌。豈謂盡煩回紇  
馬，翻然遠救朔方兵。胡來不覺潼關隘，龍起猶聞晉  
水清。獨使至尊憂社稷，諸君何以答昇平。

愁

江草日日喚愁生，巫峽泠泠非世情。盤渦駑浴底心  
性，獨樹花發自分明。十年戎馬暗南國，  
客老孤城渭水秦。一作得見否人今罷病，虎縱



橫

崔評事弟許相迎不到應慮老夫見泥雨

怯出必愆佳期走筆戲簡

江閣邀賓許馬迎午時起坐自天明浮雲不負青春  
色細雨何孤白帝城身過花間露濕好醉於馬上往  
來輕虛疑皓首衝泥怯實少銀鞍傍險行

江陵節度使陽城郡王新樓成王請嚴侍

御判官賦七字句同作

樓上炎天水雲生高飛燕雀賀新成碧窓宿霧濛濛

濕朱拱浮雲細細輕杖戟寒帷瞻日共美投壺散秩有  
餘清自公多暇延叅佐江漢風流萬古情

酬郭十五判官

才微歲老尚虛名卧病江湖春復生藥裏關心詩總  
廢花枝照眼句還成只同燕石能星隕自得隋珠覺  
夜明喬口橘州風浪促繫帆何惜片時程

吹笛

吹笛秋山風月清誰家巧作斷腸聲風飄律呂相和  
切月傍關山幾處明胡騎中霄堪北走武陵一曲想



南征故園揚柳今搖落何得愁中却盡生

夜

露下天高秋氣一作水清空山獨夜旅魂驚疎灯自照  
孤帆宿新月猶懸雙杵鳴南菊再逢人卧病北書不  
至鴈無情步蟾倚杖看牛斗銀漢遙應接鳳城

院中晚晴懷西郭茅舍

幕府秋風日夜清澹雲疎雨過高城棄心朱實堪時  
落階面青苔先自生復有樓臺街一作舍暮景不勞鍾  
鼓報新晴况花溪裏花饒笑肯信吾無吏隱

韓集

賀張十八秘書得裴司空馬

司空遠寄養初成毛色桃花眼鏡明落日已曾交轡  
語春風還擬並鞍行長令奴僕知飢渴須着賢良待  
性情旦夕公歸伸拜謝免勞騎去逐双旌

戲題牡丹

幸自同開俱隱約何須相倚鬪輕盈陵晨并作新粧  
面對客偏含不語情双燕無機還拂掠游蜂多思正  
經營長年是事皆拋盡今日攔邊暫眼明



雅音會編卷之十畢

